

空同先生集卷第三十一

北郡李夢陽撰

詩

七言律詩七十首

贈荅

郊齋逢人日有懷邊何二子

夏日過序公

過馬陟次毛庶子韻

章氏芳園餞朱應登

訪何職方孟春新居

送殷進士病免歸

別徐子禎卿得江字

追舊寄徐子

過李氏荷亭會何子

酬儲太僕見贈

荅太僕儲公見贈

病間聞何舍人夢故山有感



雨中憶張大夫園亭

解官親友携酒來看

送王照磨省覲

寄徐子

寄徐編修縉

九日寄何舍人景明

冬霽宴丘翁林亭

立春遇雪東孫君首二

送張訓導棄官爲母

早春酬內弟幾

早春郊園贈別

生日荅李濂秀才

過內弟宅感詠

積雨鄭左二子晚宴

送王生還里

逢泰公門徒因寄

寄華韶州

贈鄭庚

北行家克與內弟玉實間行道緩急即如雷

霆之下魂魄並褫矧又如饑渴

寄荅內弟幾九日繁臺見憶

喬太卿宇宅夜別

別都王事穆奔喪歸

夜別王檢討九思

宿江氏

穀日酬鄭屠二省使携酒見訪

滕閣訪屠子感贈

雨秋友人見過有贈

較射畢青雲峰示諸生

發南浦贈人

江上逢羅通政

清江彭君幽居

題巖編修東堂新成

泰和南行羅通政舟送

寄孟洋謫桂林教授

南康至日送韓訓導赴湖州推官

仰頭遇友夜泊感贈

龍沙餞胡子還城

別太華君

贈何君遷太僕少卿

夏日赴監察許君之宴同張監察

柬趙訓導三首趙安邊營將家子讀易人也

酬和許監察九日對菊之作

酬和李子夏日遊天王寺見贈

喜鄭生至自京師傳崔陸徐何諸人消息

繁臺冬日喜鄭生歸集

正月二日臺卿李公監察毛公亥公枉駕而

顧毛歸有作輒次其韻二首

和毛監察秋登明遠樓之作

雪後困酒和主左史 柬邊子變前韻

仲春繁臺飲餞醉歸口占呈陳邊二使君

春日過遂平將軍第同李尹

限韻贈黃子

贈王推官相國之子

高門堤陳氏別業夏集

贈答

郊齋逢人日有懷邊何二子

今日今年風日動苑邊新柳弱垂垂齋居寂寞難乘

興獨立蒼茫有所思谷暖遷鶯春太早雲長旅鴈故

多逢鳳池山客容臺彥兩處傷春爾為誰

夏日過序公

炎天樓殿陰空扉永晝雲林孤鳥飛病起出門風色

異獨來清坐老僧依。撲簾花片疑紅雪。解帶藤蘿映
紫衣。萬事回頭誰得問。但逢心賞莫教違。

過馬陟次毛庶子韻

冉冉輕雷止復行。鳳池清夏半陰晴。漸看西日籠花
氣。誰放南風作雨聲。融入塹沙將拂燕。密侵宮柳益
霑鶯。晚來一赴薇郎約。匹馬衝泥遠興生。

章氏芳園餞朱應登

細雨林塘花可憐。况有美酒斗十千。見日玄蟬元嘒
嘒。含風綠篠自娟娟。朝廷豈料更新主。塵世難逢感
昔年。縱倒芳尊不成醉。別懷憂緒兩凄然。

訪何職方孟春新居二首

去年聞汝在郴州。對酒時常使我憂。無客解題鸚鵡
賦。同誰出入鳳凰樓。瀟湘夢澤今虛遠。易水燕山不
斷遊。舊雨休嗟車馬伴。卜隣先近李膺舟。

二

街北小堂卜築深。離離竹檻稱幽吟。不爭鶉鴨嫌隣
舍。旋置琴尊見客心。呼雨乳鳩仍暫止。定巢新燕故
相尋。曾軒更許消清暑。露頂同依嘉樹林。

送殷進士病免歸

魯川西流石齒齒。川上茅堂千樹林。春行不費風雲
詠。日暮聊爲梁父吟。南瞻岱嶽雲峰峻。東訪滄溟烟
霧深。司馬豈緣封禪病。任公終有羨鰲心。

別徐子禎卿得江字

我愛南州徐孺子。明瑤美璧世無雙。新從北極看南極。便自吳江下楚江。日落鷓鴣啼廟口。水清斑竹映船窓。禰衡王粲俱黃土。千載何人復此邦。

追舊寄徐子

憶昔逢君雪滿途。遙憐爲客向江湖。看碑定憶羊開府。作賦先投楚大夫。日黑魚龍壓夢澤。草青麋鹿上姑蘇。空揮玉軫思流水。不得驂騑見過都。

過李氏荷亭會何子

三伏尋花到習池。幽懷真與故人期。出波菡萏晴相並。度檻流螢晚故遲。他日宴游能此地。向來開落果

由誰。亦知塵世難逢醉。且把芳筒當酒卮。

酬儲太僕見贈

抱病逢春無那春。雪晴雲氣相鮮新。經旬不出惱官長。束帶何由朝太賓。豈謂烟霄無勁翮。欲從江海訪遺珍。商歌日暮悲風起。索處應慙扣角人。

荅太僕儲公見贈

淮海先生海鶴姿。年來何事鬢成絲。安危異日須公等。文雅于今是我師。縱有孫陽難遇馬。誰言安石但能綦。桂枝偃蹇空山裏。旅病逢春故國思。

病間聞何舍人夢故山有感

我逢新歲兼新病。君夢故園登故山。木杪啼猿行問

訊枕邊流水莫潺湲深春古廟同誰往絕壁孤雲只
自攀悵恨無家傍林谷定應何處卜鄉關

雨中憶張大夫園亭

我愛張家好亭子滿園林竹夏萋萋雪花細雨飄惚
裏映日輕雷過檻西已拚習池多樂事池邊光祿有
新題朝回會與金蘭約走馬携壺到碧蹊

解官親友携酒來看

嚴城擊鼓天欲曙風起平林纖月長故人開尊且復
飲客子狂歌殊未央卧病一春違報主啼鶯千里
伴還鄉他時若訪漁樵地洛水秦山各淼茫

送王照磨省覲

浮沙晶晶楚王臺苦竹泠泠帝子哀臘月江行鶯語
合草春湘北杏花開貪趨綵服聊輕舫苦憶金門罷
舉杯入幕郗超難許並題橋司馬直須迴

寄徐子

徐子南游涉洞庭楚江風浪眼冥冥竭來振玉朝
天子忽漫傳書與客星訪戴難移剡溪棹問可曾過
子雲亭烟沙水國催春發楊柳愁邊却盡青

寄徐編修繕

題詩傳語玉堂賓想像鳴鞭散紫宸玩弄門前金駃
褭死如天上石麒麟徒誇中論流人世實有新詩泣
鬼神密勿願先諧大軸漁樵久已屬閑身

九日寄何舍人景明

九日無明花自開登樓獨酌當登臺孤城落木天邊
下萬里浮雲江上來但遣清尊常不負從教白髮暗
相催梁南楚北無消息塞鴈風高首重回

冬霽宴丘翁林亭

竹亭高宴雪霜殘拍塢移尊月色寬馴鶴自知迎客
舞絕琴今擬向君彈醉來箕踞仍呼酒老去留賓不
着冠解道冥鴻能萬里肯輸烏鵲一枝安

立春遇雪柬孫君二首

乾坤莽莽俱爲客世路悠悠各愴神海內弟兄稀見
面天涯霜雪又逢春馴階鳥啄猶呼侶破浪龍吟不

避人幾欲開尊向梅柳白眉青眼爲誰顰

二

留滯周南春復春路迷何處問三秦竟非吾土堪垂
淚不爲儒冠豈誤身偷臘檻梅暄媚眼弄寒山篠晚
傷神虛傳夜雪能乘輿不見山陰鼓柁人

送張訓導棄官爲母

蜀道干戈暮角悲水行溪壑轉春姿辭劉徐庶心先
苦迴馭王陽願不遲正月巴山猶碧樹孤舟峽口已
黃鸝并吞割據千年事愁見岷峨有戰旗

早春酬內弟璣

騎馬衝泥到竹扉孤城雪日弄暉暉將飛鴻鴈春相

聚得食魚鰕暖自肥。賈誼上書番遠謫。桓榮稽古已
多違。亦知匡濟諸君事。勿羨東皇早拂衣。

早春郊園贈別

野陰蒼蒼春不分。春堂黯黯惜離羣。柳條欲折不應
手。林花即開誰寄君。鴈飛帆檣畏觸雪。日蒸山澤恣
成雲。香然携別東園晚。綺席玉杯相對曛。

生日答李濂秀才

臘前此日梅花劇。盞送初筵竹葉新。千里共爲青眼
客。百年余是白頭人。清霜麗藥情休妬。醉舞狂歌意
總真。忽憶退朝傳粥食。遲迴吟望一沾巾。

過內弟宅感詠

天漢橋東水竹居。明公卜築迥幽虛。軍城日月梁園
永。戚里山河宋殿餘。諸弟冬林供雪筮。重闈日饌躍
江魚。冰清牢落千秋事。手澤空嗟萬卷書。

積雨鄭左二子晚宴

秋深衆草皆垂實。雨久高牆半濕痕。百歲榮枯同逆
旅。二儀風霧自黃昏。烏鴉樹滑時窺屋。泥濘人稀早
閉門。便合披簑邀鄭左。任從燒燭倒清尊。

送王生還里

華池避俗屯螢火。往日談經近鹿場。萬里漂零余作
客。諸生親炙爾升堂。昨來見面生春色。歲暮還家帶
雪霜。懷土力微難並進。強吟臨路獨淒涼。

逢泰公門徒因寄

垂翅去年辭 帝都散花今日見門徒
乘杯老去還 能否擊鉢狂來未信無
暫止乳鶯元逐燕得時橫隼
莫驚鳥清沙密竹追隨地腸斷飛虹
月色孤

寄華韶州

十年不寄一封書 索處常思萬里餘
謫宦賈生元獨遠 抗言劉向果誰如
新符海外勞分虎 舊德朝中想佩魚
退食昔移青鎖步 論文偏過省郎廬

贈鄭庚

文物江東數歛都 里傳貞白似君無
門前不種釣衣草堂上常巢返哺鳥
爲客老年今道路告歸春日復

江湖沙溪酒熟兒孫勸拄杖徐行步綠蒲

北行家兄與內弟玉實間行道緩急即如雷
霆之下魂魄並褫矧又如饑渴

吾兄淚眼若懸河內弟尪羸苦更多昏黑同行草莽
裏明星獨傍邑城過荒山葛藟繁初蔓空屋荆花滿
故柯臨路斷腸俱哽咽望歸携手向烟蘿

寄荅內弟璣九日繁臺見憶

悵別登臺逢九日雲閑水落望長安風急愁聞木葉
下秋清淚滿菊花團臨危始識交親重處世空嗟行
路難一勺塗鱗終放擲九天歸翼待扶搏

喬太卿宇宅夜別

凄壯

竹梧池館夜偏寒。促席行杯漏未闌。燕地雪霜連海嶠。漢家鐘鼓動長安。吟猿見月移孤樹。宿鴈驚人起別灘。二十逢君同躡馬。十年回首笑彈冠。

別都主事穆奔喪歸

瑤池不聽鳳凰簫。銀漢愁看烏鵲橋。海內君親情併苦。天涯書劍路俱遙。陰陰朔塞鳴秋葉。滾滾寒江急暮潮。君去會應朝北斗。余歸終擬伴漁樵。

夜別王檢討九思

露白秋城角夜哀。朔雲邊月滿燕臺。仙人閣在銀河上。羸女簫從碧落來。江葉自隨山葉舞。燭花偏傍菊花開。風塵荏苒年華異。莫怪臨歧數酒杯。

宿江氏

尋山累日山中宿。玉港回鑿見爾家。世遠樓臺喬木裏。族繁門巷一溪斜。深冬野竹猶風葉。細雨簷梅已凍花。惆悵哲人今異代。玉峯回首碧參差。

穀日酬鄭屠二省使携酒見訪

殊方穀日軒齊過。返照虛牕暖自通。短髮江湖今會少。早春閭闔舊趨同。越南閩北風烟際。岼柳園梅霽雪中。時世艱難須共濟。此生杯酒任西東。

滕閣訪屠子感贈

章門屢出綠尋子。滕閣留權晚不回。霜落磧洲江漸細。日斜鄉國鴈還來。紅巾未信干戈息。白髮能禁日

月催千古棟雲簾亦捲西山秋色爲誰開

雨秋友人見過有贈

時芳已後重陽雨搖落深驚昨夜風鴉雀小亭雲竹
靜蒹葭寒水瀨江東詩名海內逢高適人物吳中有
阿蒙數過淹留非縱酒異鄉搔首各飛蓬

較射畢青雲峰示諸生

射畢孤峰聊獨上繞峰冬樹發孤雲天開遠岫遲遲
見木落寒江細細分禮樂衣冠先此地綱常簪組愧
斯文亨衢接武尋常事孝子忠臣百世芬

發南浦贈人

大寒冰雨何紛紛曉行日臨江吐雲得風舸舸故相

逐異港鳧鷗還自羣浦南蓼洲春欲動岼西雪山晴
未分與君接席向杳靄吟坐傳杯侵暮曛

江上逢羅通政

秋乘綵鷁修春服曉解牙章拜五雲三十超遷門下
省遲迴瞻戀聖明君烈風江上年垂暮把酒旌亭袂
忍分晝錦故山家慶集堂開鶴髮野梅芬

清江彭君幽居

新霽隔城江色來僻居春暮徑花開當門銀杏有千
歲穿葉黃鸝能百迴南徼雲沙曾杖鉞北山薇蕨且
銜杯波深五月鮒魚至獨釣吟行鷗不猜

題嚴編修東堂新成

城居市遠同村僻堂構春成屬燕忙星檻夜凭斜北
斗日牕朝坐影扶桑問奇頗類揚雄宅醒酒真輕李
相庄喜即繫舟臨秀浦恨猶楮笏背鈴岡

泰和南行羅通政舟送

開船日午君俄至逆水開尊得並船貪數岼花杯不
記已衝江雨纜猶牽雲山楚越相逢地劔珮京華始
識年感昔願仍還省閣顧今俱已靜風烟

寄孟洋謫桂林教授

長沙賈誼君仍遠南涉三湘復九疑虎豹深山聊澤
霧蛟龍得雨固須時行藏學閣蒼梧久鼓角夷城白
髮悲悵望適荆心豈忝飄零極海翅非垂

南康至日送韓訓導赴湖州推官

黯黯寒冬湖水頭遷官別我向湖州吾道百年逢小
至雪江千里屬安流飛騰刑獄官非忝簡拔朝廷意
實優見說東南力已竭哀矜此外爾何求

仰頭遇友夜泊感贈

舟夜雙燈倚碧灘江雲藹藹覆春湍中年獨覺滄洲
穩直道誰非行路難坐裏旌旗環漶澤花時金鼓發
長安時危故國思芳草懶慢先君得挂冠

龍沙餞胡子還城

春卿送弟返扁舟子孟還城設餞遊樹蔭金沙聞錦
席花迎楚鳥勸吟甌平風岼壓鼉鼉窟倒日江明鶴

雀樓古木徐亭偏寂寞醉希凝望水東流

吳育字春卿胡律字

子孟俱宋顯人也

別太華君

自我徘徊襄漢間秋風倏忽吹襄山
鵝鶴竟日亂洲渚鴻鴈孤鳴愁草菅
秦路傷心紫芝圻楚巘回首桂花斑
層城月出歌鐘滿誰念楊雄獨閉關

贈何君遷太僕少卿

省客新乘卿士車尋盟特別水雲居
還朝賈誼元前席去國虞生合著書
貪顧休輕冀野馬祖行親釣汴河魚
虛疑厄閨春情晚驛路羣花宛宛舒

是年遇閨何有官似

黃楊厄閨下之句

夏日赴監察許君之宴同張監察

霜府池亭夏亦寒捲簾河嶽火雲殘
筵開水動琅玕簾酒半瓜行白玉盤
驀石尋花時徑往躍魚投餌晚留懽
孰教逃暑陪驄馬自分清朝老釣竿

東趙訓導一首趙安邊營將家子讀易人也

安邊坐堡近沙場白日胡沙慘慘黃
殼弩汝兄增品秩操觚吾子獨文章
雙龍一命新朝闕三鱣諸生已報堂
授易未容輕管輅揲著端合契羲皇

二

田園共傍古蕭關舞鳳城臨斬斷山
連茹實期王貢上轉蓬俄聚洛河間
風塵落葉頻驚眼首帶深杯且

破顏宋岳魏臺俱不沒及秋騎馬肯同攀

酬和許監察九日對菊之作

風簷落葉隨行步坐近寒花引濁醪久客重陽還細
雨故山他日幾登高羈心汴館頻塞蒞醉眼江門舊
送濤願戢霜威長晚色賸抽英響續遺騷

酬和李子夏日遊天王寺見贈

玉皇諸閣鎖空寥夙昔攀緣客互招細細嵩雲通佛
拱冥冥河氣度僧寮柏潭路古搖晴荔竹洞城陰掩
熱椒聞爾昨遊吾自阻碧紗誰並照烟霄

喜鄭生至自京師傳崔陸徐何諸人消息

汝從京國傳消息屈指離吾幾換年當日應劉俱老

健鳩來燕趙自風烟陽回草木清霜後歲暮賓朋醉
眼前別業舊臺携手在野鴻沙鳥日翩翩

繁臺冬日喜鄭生歸集

予從汝去稀過此即使經過亦惘然乍聚酒杯須落
日久晴臘月有和烟向陽小草纖纖出傍水浮雲宛
宛連野立舉天昏色起好橫酣眼望三川

正月二日臺卿李公監察毛公素公枉駕而

顧毛歸有作輒次其韻二首

君子三陽元並進朝廷四海况爲家冠彈責民非吾
願星聚荀門敢自誇走洗玉盤深映竹驕嘶驄馬半
銜花綠尊未倒歸須夜臺柏無言已宿鴉

二
吾生五九笑吾涯短圃低墻即是家酒熟喜當賓客
過詩成慚使世人誇日臨河岳雲俱色春入樓臺樹
自花轉盼不堪天地異得栖無小後啼鴉

和毛監察秋登明遠樓之作

院鎖簾垂白日幽為誰乘興獨登樓地平膏嶽牕中
出天倒黃河檻外流坐對鑪烟雲並起醉搖霜筆樹
還秋可憐大厦須梁棟未展那知伍氏憂

雪後困酒和王左史

旭日上雪簷溜懸廣文先生猶醉眠牀頭綠樽已交
卧解醒復倒囊中錢開門泥濘午活活有客騎馬來

翩翩強起梳頭煨芋栗暖杯寒光仍四筵

東邊子變前韻

繁丘草青春可憐欲往恰值春風顛應門童子不通
客空同先生閑自眠柳長故嫻金色縷梅落盡鋪白
玉錢安得即遊共爾閣滿引香醪花簇筵

仲春繁臺飲餞醉歸口占呈陳邊二使君

晝日起風花欲開過鴻未盡巢燕來看山已嚴陽翟
駕羣餞復聚梁王臺苦云離合每不易便醉顛倒何
嫌猜背閣碧對故裊裊當年哢鳥時徘徊不見當年
良岳盛今日纍纍青草堆

春日過遂平將軍第同李尹

十年不到將軍第一日重來令尹借春色不改延客
閣芳對盡覆彈琴齋尋香檻蝶娟娟逐競暖池魚宛
宛皆晚步鹿苑驚欲放續遊無吝玉爲牌

限韻贈黃子

禁垣春日紫烟重子昔爲雲我作龍有酒每要東省
月退朝曾對掖門松十年放逐同梁苑中夜悲歌泣
孝宗老體幸強黃犢健柳吟花醉莫辭從

贈王推官相國之子

青年籍甚王推府得郡吞江復據湖楚楚驛騶當道
路英英秋月坐冰壺三槐舊業承非忝駟馬高門望
與俱相國醴筵今更數在邦無憶鯉庭趨

或悲或達情見乎詞
又振起全勢
元美極賞此作寥寥
高常侍佳境

高門堤陳氏別業夏集

門堤平野突崔嵬幔屋深林石磴迴盛世行藏吾學
圃異鄉天地此登臺馮軒五月涼風入移席孤城返
照來急管暮催杯更進醉翁非爲酒徘徊

空同先生集卷第三十二

北郡李夢陽撰

詩 七言律詩七十首

贈荅六十七首

夏日繁臺院閣贈孫兵部兼懷大復子

送楊子還里 送張工副

夏行人齋 太皇太后哀詔過此以病淹于

郊館僕爲作詩

城南新業期王子不至 再期王左史不至

繁臺次秦氏韻 送田生省母兄如晉

寄題孫氏若溪草堂孫是時始有婚事

送毛監察還朝是時 皇帝狩于楊河

送李行人還朝 逢吉生汴上

郊園夏集兼別李沔陽

李沔陽飲後田鄭二子復集於斯庄望見陂

水驟落衆頗訝之

早春酬張客見贈 田居嘲荅李沔陽

別熊御史出塞 春望東何舍人

贈張舍 題環上人精舍

送膠州學職 送人還洛

秋日飲王子之第

見素林公以詠懷六章見寄觸事叙歌輒成

篇什數亦如之末首專贈林公

小至後寄甥曹嘉 河上孝齋成呈家兄

留別李田二秀才 贈鄭羽士

送蘇文學往主三賢書院

鄭生聞予種樹有成便冒雪携酒來看鄭時

有江東之行

送蔡子赴省 鐘樓重別熊子

閻曹二子發京姪水與之同舟而下有詩紀

之手亦和此篇

甥嘉謫官過汴僦舍而居以時炎熱

園庄餞蔡客還江東 寄贈司寇林公還山

謝南陵折贈牡丹十頭咸棲子重瓣

儀賓柳子以合權芍藥見贈予自不識此花而柳云種蒔數年惟今歲雙朶時柳病方愈夏日上方寺追念舊遊寄平陽王守前御史

荅杭雙溪渡河見寄 奉寄邃庵相公

東庄冬日會別謝行人

雙溪方伯夏初見過就飲石几留詩次韻

三司諸公久有蓮池之約會雨阻不赴乃移

兵司東圃而飲爲詩以謝

東庄再贈杭子兼呈其兄澤西年友

乙酉除夕荅鄭生兄弟見贈之作

東庄謝臬司諸公携酒見過

上方寺會監司諸公 東庄藩司諸公見過

于公廟會王帥以其防秋北行

新秋宣威後堂會張鮑二帥晚過東圃作

酬聶監察淮上見寄 九日南陵送橙菊

亭上限韻作

送程生兼寄姑蘇五嶽黃山人

寄水南子

夏都諫勘鄴路之戰惠見憶之作寄荅四首

熊監察至自河西喜而有贈

傷悼三首

哭王舍人昇

哭亡友范副使淵其族孫進士永鑿寄其絕

筆詩到

有哀

贈荅六十七首

夏日繁臺院閣贈孫兵部兼懷大復子

獨馬孤城送客迴亂蟬高柳出街杯晴天河嶽今開
閣戰地金元晚上臺才自籌邊期獻納義猶傾蓋愧
徘徊何休門客如君幾北望天風萬里來

送楊子還里

曾修書院盱江側君去懷予試一游當日水山應更

好別來松桂幾經秋謝詩早向麻源覓顏帖時從廟
碣收此外何求惟有醉背山合起望泉樓

送張工副

爲官秦邱君西去因憶簡王相遇時池出異蓮要作
賦館開修竹坐傳卮龍旂寂寞還雲氣鶴馭飄翩祗
夢思寄問白頭強相國醴筵吟筆似前隨

夏行人齋 太皇太后哀詔過此以病淹于

郊館僕爲作詩

野館春雲劇暮陰病臣哀詔此經臨君親敢謂三江
遠涕淚懸知萬國心風砌獨花堪憤悶雨簷雙燕足
清吟遐陬每引前星望賴爾兼程布此音

城南新業期王子不至

新園本欲誇王史竟日城南期不來即使屋荒還五
柳忍令春暮只孤臺對人芳藥翻翻出近日浮雲細
細開已囑甕頭封綠蟻明朝倘許盡餘杯

再期王左史不至

地散官拘此亦希草堂重約忍偏違元期芍藥枝枝
賞忽復葵榴片片飛諸客酒停時望旒孤城日落尚
留扉人生樂事真能幾野立蒼雲又白衣

繁臺次秦氏韻

一秋今到十賢堂萬事傷心嘆渺茫草綠梁臺猶殿
閣花殘宋苑只官牆天南星宿元朝斗崕北靈芝本

向陽未老息樓終傍此預愁人擬臥龍崗

送田生省母兄如晉

匹馬遙衝落日微萬山何處是庭闈塗紆沁上花應
發春盡并門雪尚飛臨柏乍開荆樹閣傍萱重看老
萊衣馮高試望風雲氣大駕新從此路歸

寄題孫氏蒼溪草堂孫是時始有婚事

蒼溪之傍何者在幾時自卜林塘幽已聞寬田足放
鶴曾否餘錢兼買舟狎人瀉鵝元成偶近檻芙蓉故
並頭塵世要留風格在東南聊作醉鄉遊

送毛監察還朝是時皇帝狩于楊河

楚生臨水送將歸黎子當筵賦式微天下汝爲真御

史百年吾是舊漁磯。沙寒白日蓬科轉。風起黃河木葉稀。此去有書應力上。太平天子本垂衣。

送李行人還朝

南使樓船漫北迴。西巡車駕歛東來。星辰再逐千官入。閭闔重臨萬國開。寒盡旌旗猶拂雪。春新環珮且沾梅。虞絃定有薰風奏。佇望陽和徧九陔。

逢吉生汴上

汴上相逢俱白頭。秦中却憶少時游。烟花樓閣春風日。錦繡山河百二州。未論聽鶯穿細柳。實因走馬出長楸。金尊邂逅今宵月。明發仍懸兩地愁。

郊園夏集別李沔陽

東門慣種邵平瓜。彭澤新成處士家。晨起忽嘶花外馬。君來同泛柳邊槎。向人菡萏元隨檻。哺子鷓鴣各占沙。明發路岐愁把袂。秋風江漢有歸艖。

李沔陽飲後田鄭二子復集於斯庄望見陂

水驟落衆頗訝之

五馬柴門夜已迴。二豪尊酒旦重開。林乾鳥雀羣應喜。水落鳧鷖半不來。踈懶合收任氏釣。嘯歌真慕阮公臺。亦知河朔非凡輩。逃暑無辭掌上杯。

早春酬張客見贈

周王祈雪罷燈遊。楚客思鄉迥獨愁。不雨風雲常嫋嫋。入春江漢轉悠悠。穠花錦石添霜鬢。橫笛短簫悲

六言詩
續舟岐路斷腸俱不減予今搔首爲西州

田居嘲答李沔陽

郊園自在君侯車日日觸熱尋吾廬柳長風多祗欲
睡瓜成雨來仍用鋤遠田陰陰立黃鶻新波雙雙跳
白魚即令石水泥五斗豈無五馬愁騎驢

別熊御史出塞

今夕何夕春風微把酒長歌春興違嬌鶯乳燕黯不
語嫩蕊柔條空自稀都門車騎明朝發關下行人三
月歸北望灑沙青草盡祁連山外斷鴻飛

春望柬何舍人

城南春望春可憐小苑高樓生暖烟幾家芳草斷腸
處無數落花吹笛邊川原萋萋入暮雨車馬駸駸矜
少年欲向仙郎誇白雪陽春久已絕人傳

贈張舍

孔門諸子接升堂杜甫交遊盡老蒼萬里南歸望秋
月一尊對別逢春陽生兒當如李亞子有父况作尚
書郎蕭蕭雲鴻天路永樊籬斥鷃莫空翔

題環上人精舍

前月到寺萱草香今月到寺葡萄長潢潦盈盈旭日
動樓閣灑灑高雲涼出門每恨市城隔浮世空嗟車
馬忙圓月清秋期重訪即扳留臥養公房

送膠州學職

廣文先生騎馬來膠東膠西花欲開鱸堂蕭蕭帶暮
雨芹池殷殷鳴春雷太山西望真堪仰洙泗東流竟
不迴寥落廟宮多古樹屬君收取棟梁材

送人還洛

十月朝天春始迴洛邦真喜使君來柳條臨路若相
待梅花滿堂渾欲開雪晴幾過回鑿浦日落時登承
露臺九重他日求賢詔不道今無賈傅才

秋日飲王子之第

岩堯玉殿逐秋開迤邐金風觸酒迴賓客百年梁氏
苑河山雙鬢李仙杯露凋梧葉浮龍井月引簫聲出
鳳臺莫羨同舟流逆調須知雅樂是真才

見素林公以詠懷六章見寄觸事叙歌輒成
篇什數亦如之未首專贈林公

南伐經年駕北還麗雲遲日藹燕關花明合殿春開
扇柳引千官曉復班新有越裳供雪雉是年始貢
者三國更
聞飛將奪天山務農銷甲從今事飽飯行歌興不慳

二

香含鷄舌曾爲吏日侍龍顏朝退時春色故搖三殿
柳曉風偏放萬年枝鏘鏘劍佩鳴行亂裊裊旌旗鳳
輦移迂謬一麾今廿載半生心事白頭知

三

青天萬仞削芙蓉憶踏匡廬第一峰
哀壑暮雲埋虎

豹大江春浪變魚龍。天池御筆親留碣。石室山僧獨
扣鐘。搔首昔曾霄漢上。舊題應被紫苔封。

四

投簪萬里旋舟日。暫憇覃園傍峴西。潭起漢娥留佩
賦。井傳王粲倚樓題。林猿浦鴈心常往。楚雨襄雲路
不迷。縮項一槎真欲釣。幾時重訪鹿門棲。

五

買園近闢三三徑。啓戶遙當六六峰。敢向大河誇樂
土。且將名嶽寄行蹤。風林躍馬狐狸走。草澤回舟鴈
鶩衝。昨復潁陽開別業。傍軒新徙具茨松。

六

西伐親將龍虎軍。南歸甘即鷺鷥羣。謝安實費登山
屐。司馬虛傳諭蜀文。釣罷蘭溪宵上月。吟成壺嶺晝
生雲。何時勉爲蒼生起。悵望東南五色氛。

小至後寄甥曹嘉

隔縣經秋汝面難。好音爲郡舅心寬。三河鴈起沙先
暮。四海陽回雪尚寒。萊竹召棠他日事。石渠金馬向
來官。公餘定有尋幽興。莫惜新篇寄我看。

河上茅齋成呈家兄

愚弟罷官兄獨喜。卜築茅齋傍竹林。開牕忽見萬里
色。背水常留十畝陰。春來燕子休相賀。日暮幽人且
自吟。庭下會栽棠棣樹。牀頭新製有虞琴。

留別李田二秀才

五年梁苑栖遲穩，千里南州忽此行。海內尚還憂盜賊，老夫何用拜簪纓。音書陸續憑誰寄，盞酒留連見我情。惆悵暮天雲不盡，秋風相憶豫章城。

贈鄭羽士

惟爾零丁老鍊師，藏珍破屋髮成絲。坐看丹竈宵忘寢，行折園葵午療飢。久雨水淹松樹死，塌墻人過廟門疑。空傳薦福千金帖，今世誰尋少保碑。

送蘇文學往主三賢書院

邦侯敦禮聘才賢，梁客乘秋詣汝川。堂上久懸徐穉榻，門前俄報孝廉船。雲山紫邏霜應峻，風穴青松曉

更妍。獨上高丘試回首，紫陽白鹿自江烟。

鄭生聞子種樹有成，便冒雪携酒來看鄭時。有江東之行。

鄭緊騎驢雪故來，无功行樹及春栽。沾濡立愛新松色，冷凍回驚早杏開。密片深當紅蕾集，寒聲虛帶翠蕤迴。思君篋笠滄江上，酒罷番愁去舸催。

送蔡子赴省

君從歷下游三輔，暫就薇花避柏烏。關內久懸馮異望，河西早上伏羌圖。茶官詭譎時侵馬，餉吏奔趨日備胡。生養願今開氣象，山河百二本皇都。

鐘樓重別熊子

野寺荒臺餞客游。江湖城郭暫消憂。危簷獨趁翩翩燕。細浦雙行宛宛鷗。人世舉杯俱勝跡。風林長夏有清秋。情來不用重翹首。西北浮雲是帝州。

閻曹二子發京姪。木與之同舟而下。有詩紀之。予亦和此篇。

共水同舟伴謫居。海天春色靜涵虛。蠻方故啓流官路。漢史終收痛哭書。蜀徵山高常戴雪。滇門池苦亦生魚。上林花樹年年在。前席行看入禁廬。

甥嘉謫官過汴。僦舍而居。以時炎熱。

萬里嚴程此一州。閭親娛舅爾須留。遷人賓客休填戶。僦屋炎蒸幸有樓。穿檻笋高猶足采。戲池魚美更何求。館甥舊地花仍好。得暇頻來看海榴。

園庄餞蔡客還江東

來日麥苗歸麥黃。炎郊攜手暮蒼蒼。別筵車馬吾先醉。落日東南江自長。檣燕岍花休促棹。小堂新竹尚餘觴。吳門汴市無千里。應把并州作故鄉。

寄贈司寇林公還山

徵書強逼上彤闈。退食長吟望翠微。漢室本緣三策重。都門真見二疏歸。朝廷司寇元持法。天下蒼生遽拂衣。趨陛履聲。皇念切。夢魂能復五雲飛。

謝南陵折贈牡丹十頭。咸樓子重辦。

玉花折送出朱門。國色俄臨處士村。堆積實增春照。

極似高帝侍送王季子
存正
不作方幅語

耀傳看直至日黃昏先掄上萼園詩卷已拚清香費
酒樽見說陳思才八斗洛陽真譜許同論

儀賓柳子以合權芍藥見贈予自不識此花
而柳云種時數年惟今歲雙朵時柳病方愈
賓卿贈藥驚奇異共帶分葩號合權入手自摩雙萼
嘆逢人恐當一花看並頭虛漫誇蓮蓋單瓣還應壓
牡丹汝抱絲疴今幸愈和中天遣助平安

夏日上方寺追念舊遊寄平陽王守前御史

伏天樓閣同遊地尊酒松林憶並携驄馬昨朝三極
北虎符俄剖萬山西人間散合留高跡壁上風雲護
舊題出守次公元入相汾川應與潁川齊黃霸字次公

荅杭雙溪渡河見寄

潘公赴鎮東來日野老扶筇北望時貪墨似聞拋印
綬壺漿真見迓旌旗豫州河嶽元中土漢法封疆是
重司廿載別君今幸此柴門能倒故人卮

奉寄邃菴相公

徵書北闕朝朝下不見東山起謝安黃閣兩朝心自
赤蒼生四海淚曾乾雲霄桃李猶門徑歲月絲綸只
釣竿舟楫願公長好在風江日夜有波瀾

東庄冬日別謝行人

冬圃朋游菊半蕪風林互飲葉全鋪往來物理須霜
露離合人情豈路途乾綠冷紅難避眼剩香餘馥故

侵壺相逢莫漫憐修竹要識乾坤有碧梧

雙溪方伯夏初見過就飲石几留詩次韻

孤城春氣轉溫風石几間門夏對中遇客便移杯酒
玩題詩今得故人同猶驚鳥動花紛落况值日斜樽
不空晚暮蒼茫萬里色賴君長劍倚崆峒

三司諸公久有蓮池之約會雨阻不赴乃移

兵司東圃而飲爲詩以謝

西城宿雨天虛阻東圃微晴人竟游地闊儘容雲氣
入亭深能使樹香留尊前後傑齊三府林下迂疎自
一丘勲業太平公等托故將高榻動南州

東庄再贈杭子兼呈其兄澤西年友

冬郊日白無風沙羣飲送客遊琅琊到時定生韋澗
草有時同醉歐亭花我今五十半潦倒君日高貴元
才華過鄉爲問澤西子老吟何處饒烟霞

乙酉除夕荅鄭生兄弟見贈之作

除夕天涯見客心連枝游子各悲吟徒將鬢雪疑青
鏡且把鄉梅託素琴海嶽催春潛弄色冰霜爭歲互
成陰吾家甕綠浮浮嫩兄弟能來秉燭斟

東庄謝臬司諸公携酒見過

白日餘紅亂撲衣郊亭無事坐花飛何緣五柳嘶驄
馬忽有羣公到竹扉過眼物華春自暮賞心朋輩元
應稀亦知不是談玄宅倘許頻來各醉歸

上方寺會監司諸公

梁園四月斗炎蒸衆飲松堂爽色凝天上樂聲僧梵
接掌中杯影塔雲層高情不使忙官奪野興常於勝
地增西海漸生歸路月上方無藉散花燈

東庄藩司諸公見過

少年湖海老中原萬里誰期共二尊邂逅路岐須盡
醉向來離合敢重論桑麻事業陶公徑鳥雀人情翟
氏門懶散廢書瓜可種夜來時雨足吾園

于公廟會王帥以其防秋北行

新晴借廟張金鼓舊約鋪筵集縉紳氣早冷隨雲雨
入地幽人與竹松隣時來拜命防秋將老去狂歌避

世身醉別贈君雙玉劍持將西北掃風塵

新秋宣威後堂會張鮑二帥晚過東圃作

戟府臨秋氣自威林亭過雨日能輝但邀文士揮彤
管不願將軍試鐵衣雲濕白花籬槿重風搖朱果石
榴稀彎弓欲看雙禽墮海闊天晴鴈不飛

酬聶監察淮上見寄

落木秋城動客哀急風胡鴈帶沙迴夷門合是投簪
地淮海須憑攬轡才勲業壯心頻覽鏡暮雲詩句幾
登臺太微實與群星異已有光芒接上台

九日南陵送橙菊

朱門美菊采先芳玉圃新橙摘早霜傳送滿盤真闔

色分看隨手各矜香深憐便合移樽酌暫貯應須得
蠓嘗獨醉秋堂臥風物一年晴雨任重陽

亭上限韻作

片雲黑日熱轉添忽有飛雨來纖纖任情玉杯但一
弄乘興彩毫時復拈角巾芒鞋客竟日燕舞花明風
滿簾垂頭人吏困自睡此地元非禮法嚴

送程生兼寄姑蘇五嶽黃山人

壓枝梅杏纍纍碧照眼櫻桃的的紅舟楫大江元晝
夜路歧初夏有西東淹留欲暮林間日行坐惟便竹
下風秋水一帆湖海上爲傳雙鯉到吳中

寄水南子

孤雲晝陰董益寺迴風夕電南神岡林木颼颼起新
色茅堂微微生嫩涼高人北牕枕書臥有酒誰與開
尊嘗鬱蒸殘暑不須念雷雨時覩蒼龍翔

夏都給勘鄴潞之戰惠見憶之作寄荅四首

廿年不入紫宸朝白髮猶能伴野樵敢向驍騮爭道
路固知鵬鷲自雲霄狂歌見月時呼酒懶性臨風欲
棄瓢寄語昔游青瑣客嶺雲溪雪記同招

二

焚草常懷杜拾遺從容退食梧垣遲人當名世汝其
輩國有中興今固時衰年丘園合潦倒大業竹帛能
留垂迢迢故人寸心在日日苦吟雙鬢知

三

侍臣斧鉞雲中下山寨水霜戰後行穿腦乍攀黎賊
路石門重覽鄂王營中興崖石元留頌成筭朝廷敢
論兵試向絕巔看大海年來波爲聖人平

四

岩堯上黨接壺關杖鉞冬行歷萬山巖凍雪埋擒虎
窟壑腥雲嫻斫龍灣嶄巉路透漁樵入蒼蔚林清鳥
雀還爲問登高能賦者霜毫幾掃白雲間

熊監察至自河西喜而有贈

當年五郡乘輅過此日千城攬轡游封事幾騰天北
極籌邊真歷地西頭崑崙壯壓胡塵斷弱水清翻漢
月流若使巡行皆汝輩遠夷那係廟堂憂

傷悼三首

哭王舍人昇

金門鐘動會千官野老騎驢戴鶻冠走問常州王內
舍昨朝客死漢長安悄然門巷賓朋絕遠遯家鄉行
路難即使過君終挂劍肯令捫腹竟回鞍

哭亡友范副使淵其族孫進士永鑿寄其絕

筆詩

憶在先朝侍聖顏珮聲齊散紫宸班傷心盡省分官
地並馬西湖舊看山絕命祗傳詞爛熳竄身誰述路
間關江門墓近湘流咽拱木黃昏鳥雀還

有哀

漢陰丈人甘灌園海上漁翁非避喧零亂春鷗橫夕
浦萋迷烟草入秋原祗將華髮悲人世不使黃金怨
子孫思向桂山歌偃蹇月明天碧况聞猿

空同先生集卷第三十二

空同先生集卷第三十三

北郡李夢陽撰

詩

七言律詩七十三首

時序四十首

冬至

人日

穀日

丁卯冬至

戊辰生日

臘日

九日繁臺二首

己巳守歲

辛未元夕雪後

初度懷玉山有感

盱江小至

九日衙齋對酒偶作

南康元夕

楚山九日太華君同登

登高以雨留山寺

乙亥元日東臺省何邊二使君邊病臥久

乙亥元夕憶舊東邊子臥病不會

丙子冬至
丙子生日荅田生

際夕寫懷呈毛使君
元夕宴王孫第

丁丑除夕

戊寅立春庭前桃樹前
戊寅元日

小至喜康狀元弟河路過齋其兄書見示

九月七日夜集
冬至前一日雪集

已卯立春
庚辰元日

元夕
立春前日雪東黃子

辛巳立春
辛巳元日

辛巳生日
辛巳除夕遇立春

壬午元日
癸未除夕

丙戌九日

雜詩一十八首

九日浦江王木亭共泛二首

憶西南陂九日之泛
再約陂泛屬風雨阻

九月晦日西陂再泛二首

辛巳九日田子要東陂之遊雨弗克赴三首

無事
東園夏集

霖雨洶湧城市簿筏而行我廬高墻尚甚茁朋

高集卷三十一
場何況黃子住居湫隘詩以問之

正月望日繁臺寺集 夏日余園

田居喜雨

秋遲

獨上

臺寺夏日

懷古九首

于少保廟

朱遷鎮

春日謁三皇廟

吹臺春日古懷

自關西回展外舅大夫之墓用前韻

狄梁公寧州有廟

靈武臺

冬日象山書院

象山書院同友

排律六首

閏九月繁臺酬寄常鄧州前御史兄

酬何子冬日懷西峰見寄

道逢羅豹鷹搗進貢十韻

送胡主事犒廣西軍便道耒陽迎母二十韻

七夕邊馬二憲使許過繁臺別業不成輒用

七字句述我志懷二十韻

五日蔡河廢津汎集

時序四十首

小至

連年至日多暄暖不似今年暖更饒脉脉水泉元自
動微微雲物向人遙即防臘意傳梅菜更遣風光媚

柳條便可抽身解簪組且謀春事伴漁樵

人日

翠篠娟娟暖不遲含風雪壁迥多姿烟霞弄色不忍
見梅柳爭春能幾時返照高樓橫欲歛宿雲孤樹靜
難移自傷消渴淹朱紱不拜金花到玉墀

穀日

人日穀日俱不惡悠悠天意豈難明得時田畯休空
喜少雪螟蝗恐旋生陶令柳陰元傍宅邵平瓜地故
依城載歌行路思農隱未信青山亦世情

丁卯小至

一冬爲客負簷暄至日同雲客思繁迎氣柳梅渾欲
動再開桃李更何言飛沙霧竹催寒景落日鄉關切
斷猿獨上高臺眺雲物不堪清淚酒中原

戊辰生日

生還淹跡倚荒廬懶散經秋賦索居雙淚弟兄揮酒
卽寸心關隴望鄉餘臘晴柳日輝輝動春逼河水滾
滾虛三十七年吾底事彈歌不爲食無魚

臘日

夷梁臘日春意動物色生態誰能禁歸烟霏霏梢竹
勁融雪細細生苔深腐儒奔走竟何事鄉土棲遲多
苦心便欲棄閑買越舸青春發興好南尋

九日繁臺二首

窮秋避地兼逢節，曠野無山且上臺。
江漢鴈驚番北，叫太行河斷却東來。
羈栖嘆世深難醉，病起思鄉老易催。
閏月有期還發興，菊花晚暮莫愁開。
禹廟登高人盡迴，儒宮下馬盡殘杯。
奔陳孔甲元孤憤去，趙虞卿且未哀。
高葉下風還抱石，片雲拖雨故臨臺。
酒闌却憶十年事，半醉呼鷹向此來。

巳巳守歲

窮年豈辦椒花頌，守歲真貪竹葉杯。
天下風塵難即料，夜中星斗直須迴。
傷心蜀漢新戎馬，觸目中原半草萊。
飲罷空庭聊獨立，五更春角動城哀。

辛未元夕雪後

干戈西北塵雖靜，寇盜東南檄尚飛。
嘆世酒杯難自強，競時燈火况多違。
春偷草閣梅初放，雪舞堤城柳乍歸。
三白農人權荷苜，萬年天子願垂衣。

初度懷玉山有感

年今四十身千里，生日登臨寓此中。
憂國未收南望淚，思家猶阻北來鴻。
寒冬白霧峰巒隱，車馬深山道路通。
學海久傷青鬢改，振衣真愧玉巖風。

盱江小至

建昌冬至益王宮，劔珮趨朝禮半同。
萬里龍顏貪想像，十年霜鬢歎西東。
臘偷江嶠梅先泄，春逼關河鴈已通。
雲物不遮鄉國目，麻姑今擬暫停驄。

九日衙齋對酒偶作

故鄉叢菊嘆離居。客邸秋梅葉且舒。四海重陽三滯
酒。兩河歸鴈幾傳書。拂衣欲就淵明里。短髮猶驅孟
博車。意遠遲回聊復酌。浮雲北望佇踟蹰。

南康元夕

發春南地北同寒。旅宿張燈雪氣殘。三晉樓臺違夜
月。五湖鷗鷺伴風湍。真防柳色侵梅色。莫道鵝冠勝
鷓冠。匣劍衝星愁易泄。倚筇還向斗牛看。

楚山九日太華君同登

登高此日吾惟汝。把酒他年憶菊時。酒劇江山聊自
放。菊深風雨爲誰遲。謾於孔樂傷王賦。莫遣將歸學

宋悲轉眼干戈西北異。楚雲回首任支離。

登高以雨留山寺

鐘鼓高城夜到山。醉留真愛石堂閒。傍龕燈伴吟猿
宿。度澗風吹急雨還。來笑菊花供老髮。臥愁雲霧滿
人寰。朝晴更擬諸峰賞。萬仞丹梯合共攀。

乙亥元日東臺省何邊二使君邊病臥久

烟和日翠且重樓。洶洶綺羅悲此州。碧草可容漳浦
臥。官梅真憶廣陵遊。來鴻去燕催今昔。柏葉薇花阻
倡酬。興發春山能約往。水開仙楫擬乘流。

乙亥元夕憶舊東邊子臥病不會

憶昔金錢並卜歡。稱心燈火獨長安。鑪香欲散尚書

省環珮先歸太乙壇十載酒杯誼五夜九衢遊馬閱
千官蓬飛轉合今同此月滿梁園却自看

邊舊太常故
曰大乙壇

丙子冬至

奉天門下玉闌橋此日催班早侍朝占史奏雲懽萬
國太官傳宴散層霄苑梅迎律春先動官柳臨風色
欲搖一出忽今驚十載百年勲業有漁樵

丙子生日荅田生

當時結客少年場走馬看花紫陌香三黜偶然齊柳
惠兩朝奚但有馮唐壽杯今夕余同醉獻賦開春爾
一方京國逢人問衰健爲言吾髮已蒼蒼

除夕寫懷呈毛使君

晝日淒淒風色嚴晚登雲閣漫開簾山河不逐年華
改天地空悲老髮添隨俗香燈消獨夜近人星斗下
虛簷微吟暗憶乘驄使綵筆迎春幾自拈

元夕宴王孫第

向夕虛廊風自驚敞筵華月坐留情琴樓合與衣冠
客盞榭遙聞歌吹聲吟劇晚梅聊索笑醉移寒竹互
壽盟九衢遮莫催車馬願倒王孫百甕清

丁丑除夕

明朝行年四十七默憶宦游年盛時帝京守歲朋輩
集除夜開堂殺酒隨綵筆迎春誰競長白頭懷舊獨
含悲乘陽莫謂渾無事冰泮黃河起釣絲

戊寅立春庭前桃樹二首

冬殘月閨豫看春暖氣晴陽應節新老大徒懷炙背
獻艱危竊慮轉蓬身下除飢鵲爭唼雪出穴微蜂特
傍人獨立桃叢憶桃日武陵今有泛花津

春日題春試彩毫高門傳菜玉盤高乍看旭日輝山
檻不分時風向砌桃虎豹雲移思霧雨魚龍水動遲
雷濤物情且共天流轉人世誰曾免二毛

戊寅元日

閏臘逢元晷自長乍晴暄日趨年芳當階雪浥桃枝
透隔戶風傳竹氣香籠內乾坤吾獨放鏡中勲業髮
先蒼北游春色隨龍輦生意何由即萬方

小至喜康狀元弟河路過齋其兄書見示

侵曉書雲雲四生向昏濛雨散孤城敲門怪爾關西
使匹馬緣誰淮上行板柳弄梅今日事望鄉懷友百
年情傳言且共陽回喜天意分明欲太平

九月七日夜集

此夜邀賓過草堂實因佳節重壺觴時侵叵柰鐙前
菊老去誰拋鏡裏霜草暗微寒催蟋蟀雲開片月下
滄浪明朝好趁登高伴木落天空望帝鄉

冬至前一日雪集

遽看風雪催長至旋具盤飧款近賓片片窺簾如避
酒霏霏點袂却隨人臺寒預發書雲興梅動猶潛隔

夜春醉裏白頭堪北望陽回黃屋且西巡

巳卯立春

律窮寒極有今日斗轉天迴還此春雪擁竹根旋自
濕風來人面霎堪親曾游舟楫思南國未返旌旗望
北辰漫惜物華番覆盞幾揮生菜欲沾巾

庚辰元日

今日何日陰霏霏看之不見濡人衣層冰滿眼祇突
兀白日何處能光輝單于祭馬春欲動漢皇射蛟南
未歸傳道揚州好花月鳳簫應伴五雲飛

元夕

千年爛熳熬山地少小看燈忽二毛兵後忍聞新樂

曲月前真愧舊宮袍南州樓閣烟花起北極風雲嶂
塞高悵望碧天聊獨立夜闌車馬尚滔滔

立春前一日雪柬黃子

春前白雪紛紛至落地欲消還未消明日立春應五
出晚來微月尚爭飄梅花故傷袁安室柳色潛回鄭
綮橋聞道郢人能妙曲曲成吾品赤鸞簫

辛巳立春

冬晴轉覺冰霜厲日散俄還海嶽春綵勝恩光曾侍
帝萊盤風俗謾隨人雪融樓閣沾沾薄烟動松筠裊
裊新人壽幾何吾半百到唇杯酒莫辭頻

辛巳元日

倏忽吾生五十春兩朝遺佚太平身望鄉心逐關雲
起懷國情將汴柳新自信右軍非墨客王右軍五誰
言高適是詩人適年五南征昨報龍旗返佇想嵩呼
動紫宸始詩

辛巳生日

吾今五十頭半霜大兒已壯孫已長力田頗自識草
木出門每與憂豺狼風晴野水白晶晶臘近山日寒
蒼蒼但能草澤射猛虎豈須熊館誇長楊

辛巳除夕遇立春

改元明日初開曆除夕今年暗入春天地漸分三極
色行藏已半百年身和烟浥浥梅應劇滴露蕭蕭竹

未勻喧歲不知宵遽曙北雲何處望楓宸

壬午元日

元年元日光華異青帝青陽左个開北斗不將天地
轉春風那使萬方回蛟龍窟宅寒猶閉鴻鴈雲霄暖
自來迴首玉顏慚大藥許身元擬是仙胎

癸未除夕

連冰累雪欺年暮除歲嚴風放夜晴挂斗拖星猶凍
色趲鐘催鼓遽春聲喧城車馬朝元客戰野旌旂禦
寇兵人事物華應遂轉燭堂深坐獨含情

丙戌九日

百年佳節今風雨數日東籬已菊花老髮不緣吹帽

短濕枝何事向尊斜紛披九徑憐揚子潦倒三杯笑
孟嘉欲補登高望晴色晚來紅氣有雲霞

雜詩一十八首

九日浦江王水亭共泛二首

長蘆古陂城一偏樓臺波水秋相鮮紫萸黃菊有今
日翠管銀箏須此筵微風改席徐回纜落日留賓更
進船漫說龍山能落帽何如李郭共登仙

君王別館湖中央菊日浮游錦纜香貪把深杯向蘆
葦錯教橫吹鷺鴛鴦車徒雜沓四岍合殿閣洄沿一
水長萬古有人還此地它年吾輩是重陽

憶西南陂九日之泛

一游水亭心自牽沙色湖風常眼前蕩搖每疑菊在
把出沒似有鷗隨船冥冥浦溆幾落日蒼蒼葦葭葭時
遠天頻來此地亦可借恨無好詩酬紫烟

再約陂泛屬風雨阻

自游此陂秋每晴再約寧知風夜驚紛披已詫黃葦
亂吞吐能禁白浪生朝來霧雨細細動時有鴻鴈嘈
嘈鳴但問舟航今好在無愁天地無開明

九月晦日西南陂再泛二首

水國窮秋霽更寒渚宮重宴菊猶殘間身欲住張融
舸短髮羞欹杜甫冠日映樓臺天上過風恬魚鳥鏡
中春綠池莫戀團團竹即擬枚乘賦不難

水上冬初多白雲沙間烟滿白鷗羣經添雨雪湖非
減刈盡蕪葭路轉分當岼女牆晴倒出傷船木葉醉
偏聞迴途恐觸蛟龍蟄莫遣鳴笳徹暮曛

辛巳九日田子要東陂之遊雨弗克赴三首

今秋霖雨何連絲佳日阻放東陂船衰年實怯白頭
浪朋游忍負黃花天城陰來往戲羣鷺寺門從橫鳴
亂泉間看靜聽誰共汝浙瀝晚暝松林烟

昨來晴立寺南丘城水湖雲向客流夕陽欲低鐘磬
閣隔岼忽聞簫鼓舟動興帆檣真爲節阻人風雨故
禁秋當籬葦菊披披艷獨嗅孤吟迥自愁

衝泥杜甫吟愁雨落帽參軍醉倚風雲水無緣雙放
舸兼葭何意獨鳴鴻清沙錦纜相期地白首黃花轉
望中借問臨高把杯酒幾層湖閣坐秋空

無事

無事日長春但眠水昏野暗風常顛繁葩亂葢眼欲
盡乳燕啼鶯心自憐匣中幸猶有雙劍杖頭奈可無
百錢人生幾何忽已老激昂淚下如流泉

東園夏集

水館風林夏日宜野天晴色曠襟期舊馴麋鹿呦呦
切新集鳧鷖泛泛遲穿徑獨蜂猶覓葢倚牆餘杏漫
留枝蟬鳴鳥亂從渠暮把酒看雲是我時

霖雨洶湧城市簿筏而行我廬高塏尚苦崩

場何況黃子住居湫隘詩以問之

前日頻雨無完牆今番如注誰禁當田廬城屋盡漂
沒驕雲驚霧還飛揚恒飢烏鴉只自噪滿意蒿藿如
人長辭宅頗怪晏嬰子卜居何必青泥坊

晏子宅近市湫隘景

公徙之晏子不從杜詩飯煮青泥坊底尊

正月望日繁臺寺集

臘凍雲黃海岳愁春青日白快吾游陰坡氣觸娟娟
雪暖澤水分細細流晨起探梅穿野寺晚來移席傷
鐘樓無端四望風烟起燈火燭燭滿汴州

夏日余園

夏日深林喧乳鴉名園游客散平沙百年事業真杯

酒四海朝廷正一家隊隊自來循檻蝶番番相學後
春花黃雲薄暮休驚眼白首吾生信有涯

田居喜雨

有田憂水復憂乾雨農心得暫寬從此荷鋤添野
事向來垂釣省風湍臺林澤草俱回態急響微沾並
作寒薄暮斷虹收霹靂曠原西日倚筇看

秋遲

秋遲月閨菊無花景短天昏日易斜山峻幾時殘虎
豹海枯他日見龍蛇行藏且付杯中物潦倒新添鏡
裏華盜賊關南今定否暮雲哀角起三巴

獨上

獨上高樓生夕烟。帝畿冬望轉凄然。西山雨雪留殘景，北海風塵接暮天。只爲浮名傷遠道，况逢寒日下長川。江梅嶺柳年年發，菊徑茅堂亦可憐。

臺寺夏日

古臺高並鬱岩，巖斷塔稜層鎖寂。寥寥積雪洞門常慘慘，熱天松栢轉蕭蕭。雲雷盡壁丹青壯，神鬼虛堂世代遙。惆悵宋宮偏泯滅，二靈哀怨不堪招。

懷古九首

于少保廟

朱仙遺廟已沾衣，少保新宮淚復揮。金匱山河丹券在，玉門天地翠華歸。平城豈合留高祖，秦相何緣怨

岳飛最怪白頭梁，父老哭栽松柏漸成圍。

朱遷鎮

水廟飛沙白日陰，古墩殘樹濁河深。金牌痛哭班師地，鐵馬驅馳報主心。入夜松杉雙鷺宿，有時風雨一龍吟。經行墨客還詞賦，南北凄凉自古今。

春日謁三皇廟

爰從開闢無三聖，蠢爾生民豈至今。寂寞廟宮誰下馬，遲迴天地獨沾襟。縈堦藥蔓還春色，搖日叢著已暮陰。悵望龍髯心更苦，白雲偏繫鼎湖心。

吹臺春日古懷

廢苑迢迢入草萊，百年懷古一登臺。天留李杜詩篇

在地歷金元戰陣來流水浸城隋柳盡行宮爲寺水
花開白頭吟望黃鸝暮瓠子歌殘無限哀

自關西回展外舅大夫之墓用前韻

遙阡無計掃春萊祭酒何因到夜臺西客兩年和淚
到北風千里共愁來田園樹大身先葬書畫樓成畫
不開歿後外孫今五尺百年遺恨使人哀

狄梁公寧州有廟

狄相昔爲州刺史于今伏臘土人思向來伊水瞻遺
墓此處羗民拜古祠鸚鵡夢中天地轉太行山上旆
旌遲稔知忠孝平生事更讀希文萬古碑

靈武臺

環縣城邊靈武臺肅宗曾此辟蒿萊二儀高下皇輿
建三極西南玉璽來衣白山人經國計朔方孤將出
羣木可憐一代風雲際不勸君王駕鶴迴

冬日象山書院

草疎葉黃沙出溪日高南崦氣淒淒人亡故國還祠
廟世異陰崕尚品題鳥雀石林迎旆散野狐風草怒
人啼昔賢名跡誰堪此兩淚遙傷萬仞梯

象山書院同友

曉岫霜林出並驄冬晴丹壑自含風遺祠俎豆攀緣
日往事荆榛想像中半凍岩泉和雨斷實連山谷暗
雲通塞蘿更洗磨崕讀迥立徘徊落葉紅

排律六首

閏九月繁臺酬寄常鄧州前御史兄

昨屬傳書寬遠憶側聞爲郡解憂襟他鄉病起逢秋色故國花香見客心三徑園庄常闕寂百年臺榭獨登臨天晴水散荆襄急雲合山包汝鄧深州縣黃堂非爾輩朝廷驄馬要人欽也知皂蓋熊羆軾不換烏臺獬豸簪盡道白公如白玉終然黃霸錫黃金徵卿拜相他年事野老扶犁望傅霖

酬何子冬日懷西峰見寄

梁城積滯心煩婪遙憶西降懷漢南絕頂營居只自住緣崖捫葛與誰參北岡雪風虛多阻南澗湍回今

有潭更極扶桑長影接已偏弱水碧波涵猿啼虎嘯雖頗聒窈曲叢篁非可探轉盼紅輪忽西沒勸君福地且投簪

道逢羆豹鷹狗進貢十韻

赤豹黃羆貢上方虞羅致爾自何鄉微軀亦被雕籠縛遠視猶聞寶絡香顯晦山林齊感激喧呼道路有輝光名鷹側目思翻掣細犬搔毛欲奮揚隨侍近牧擊鷲校上林新起戲盧坊攫兔定蒙天一笑磔狐應使地難藏貢官馳馬塵埋面驛吏遭箠淚滿眶南海亦曾收翡翠西戎先已効羚羊白狼也產從遐域白雉猶勞獻越裳聖德從來及禽獸欲將恩渥示要荒

七年重泛楚江舲五兩飄飄過洞庭論蜀長卿元建
節平侂陸賈亦談經地從湘口分吳徼邑在衡陽對
軫星此去先過杜陵院與誰同上合江亭炎花瘴草
供行目徭唱夷歌引客聽鼯鼠晝啼諸峒黑野猩睛
語亂峰青蠻荆本自勤周旅南越終當繫漢庭荔浦
技窮甘釜盜梧川兵接詫雷霆威餘虎豹藜難采血
蹂鯨鯢水尚腥俄喜御書頒內帑極知恩澤到重溟
免臨烏照誰非土陰慘陽舒各有靈巢屋羽毛春拍
拍洗天風雨晝冥冥花明幕府頻張宴路出磨崖早
續銘馬援還朝銷薏苡馮驩傲世倚青萍蒼蒼百粵

悲南狩渺渺三湘吊獨醒夢渚鴈回書不滯武陵雲
起思俱停悲傷薰草追金勒點綴桃花惜玉瓶若道
朱絃無絕響詎應黃髮有遺刑司徒邦計遙憐汝粉
署爐香不可扃綵服便須隨綵鷁白頭同離白蘋汀
七夕邊馬二憲使許過繁臺別業不成輒用
七字句述我志懷二十韻


懶遊因病困蒙茸不獨炎天萬事慵七夕邀行齊踴
躍兩人羈絆阻迎逢大河平地濤長湧喬岳清秋霧
不封次第榮途俱懈豸迂踈故國且芙蓉壯夫激烈
悲遲暮執友團圓喜去冬久避鳶肩優諫諍敢推經
笥貫中庸繁臺禹廟梁王榭古寺殘碑宋代松吾企

空同集卷三十一
杜高名不及汝追枚馬涕何從虛疑豪俠輕朱亥實
被文章誤蔡邕憤起鐵椎心枉費曲終焦尾意還濃
不爭期約慚牛女恐使流傳笑驅蛭末俗但知張市
虎異時誰切辨衣蜂云吁世路聊三徑敢說天門尚
九重寵豈盡軒衛國鶴盡宜偏駭葉公龍菟園卜築
隣猿島茅屋昏晨節梵鐘修竹鴈池雖慘慘水花雲
葉固溶溶悔將朱紱拋漁艇誓住丹丘學老農爲底
回隄孤蟋蟀徒思臨沼共鰓鱗踟躕莫畏風沙眯吊
唁應愁輦路衝許過只須圖酪酏有談母遽及徽宗

五日蔡河廢津汎集

當年錦纜帝王州此日荒津競渡遊賓客未銷梁苑

氣江山聊寫汨羅愁流金赤日偏輸浪似蓋輕雲故
翼舟漁聽歌鐘沈復躍燕窺舞袖去還留調冰雪藕
佳人並斷艾分莆上客酬出溜只疑天上轉汧洄真
在鏡中浮陰陰暝色鳧鷖岼岼風香杜若洲醉裏
驚聞催住漿別船追進夕筵羞



卷之二